

Paasissutissanik suliarinnittarneq pillugu isumaqatigiissut

§ 1. Paasissutissanik suliarinnittarneq pillugu isumaqatigiissummi matumani Kommunit akornanni Namminersorlutik Oqartussallu iluini ataatsimut qarasaasiakkut atortorisamut atuutsinneqarpoq.

§ 2. Allakkiami matumani inunnut paasissutissanik suliarinnittarneq pillugu inatsit Kalaallit Nunaannut atuuttutut peqqussummi § 42, imm. 2 naapertorlugu inatsisitigut pituttuivoq (inunnut paasissutissanik suliarinnittarneq pillugu peqqussut).

Paasissutissanik suliarinnittumik toqqaaneq

§ 3. Ataatsimoorussamik qarasaasiaqarnikkut atortunik oqartussaqaarfinni kommunit Namminersorlutillu Oqartussat akornanni suleqatigiissutigalugu qarasaasiami atortorineqartumi Inussuk IT paasissutissanik suliarinnittuuvoq.

Imm. 2. Inussuk IT qarasaasiakkut atortorineqartunik nalunaarsuissapput, nalunaarsugarlu paasissutissanik suliarinnittarneq pillugu isumaqatigiissummut attuumassuteqartoq nittartakkaminnut ilissavaat.

Paasissutissanut akisussaasoq aamma paasissutissanik suliarinnittoq

§ 4. Oqartussaqaarfiit ataasiakkaat inunnut paasissutissat suliarineqartarneri oqartussaqaarfiit qarasaasiamik atortuminni, tassunga ilanngullugu ataatsimut qarasaasiani atorineqartartut, tamani paasissutissat suliarineqarneri eqqarsaatigalugit immikkut akisussaaffigivaat.

Imm. 2. Paasissutissanik akisussaasoq paasissutissanik piaarinaatsoornikkut imaluunniit unioqqutitsisumik nungutitsineq, annaasaqarneq imaluunniit ajorseriaatitsineq kiisalu susasaqanngitsunut ilisimalerneqarnissai, atornerlunneqarnissai imaluunniit inatsisitigut unioqqutitsisumik suliarineqarnissai eqqarsaatigalugit aqqissuussatigut aamma teknikkikkut isumannaallisaanermik iliuuseqartussaavoq, matumani inunnut paasissutissanik suliarinnittarneq pillugu peqqussummi § 41, imm. 2 aamma isumannaallisaanermut nalunaarut innersuussutigineqarpoq.

§ 5. Paasissutissanik suliarinnittoq aamma paasissutissanut akisussaasut inunnut paasissutissanik suliarinnittarneq pillugu peqqussummi aamma isumannaallisaanermut nalunaarummi nalinginnaasumik malittarisassaasa malitsigisaanik akisussaasuutitaapput, matumani inunnut paasissutissanik suliarinnittarneq pillugu peqqussummi §§ 41-42 eqqaassagaanni kaajallaasitap matuma malitsigisaanik erseqqissaateqarluni.

§ 6. Paasissutissanik suliarinnittup suliarinnittarnerani inunnut paasissutissat pineqartut ilaatigut makkuupput:

- 1) Inunnut paasissutissat nalinginnaasut.
- 2) Inunnut paasissutissat immikkut isigineqartut (inunnut paasissutissat mianerisassat).
- 3) Inuit normui.
- 4) Paasissutissat pinerluuteqarnermut tunngasut.

Imm. 2. Paasissutissanik suliarinnittup suliarinnittarnerani inuit nalunaarsorsimasut assigiinngitsut pineqarput, ilaatigut innuttaasut aamma sulisut pineqarlutik. Paasissutissat inunnut nalunaarsorsimasunut tunngasut paasissutissani tassanilu paasissutissanut allanut tunngasuni paasissutissanik akisussaasutut oqartussat qarasaasiaqarnikkut ataatsimut atortuni suliarinnittartutut atortuini takuneqarsinnaapput.

Paasissutissanik suliarinnittoq peqquneqarneq malillugu iliuuseqassaaq

§ 7. Inunnut paasissutissanik suliarinnittarnek pillugu pisariaqartumik isumannaallisaanissamut tunngasunik atuinissami teknikkikkut aaqqissuussaannikkullu iliuutsit pillugit paasissutissanik suliarinnittoq aalajangiinissaminut piginnaatitaallunilu pisussaataavoq.

Imm. 2. Paasissutissanik suliarinnittoq najoqqutassanik qarasaasiaq atorlugu atortut ataavartumik matoqqasuutinnissaannik, innarligassaaajunnaarnissaannik, atoruminarsarnissaannik patajaatsuunissaannillu qulakkeerisussanik aalajangersaassaaq.

Imm. 3. Qarasaasiaq atorlugu atortut matoqqasuunissaasa, innarligassaaajunnaarnerisa, atoruminartuunerisa patajaatsuunerisalu qulakkeernissaannut atatillugu inunnut paasissutissanik suliarinnittarnermut atatillugu paasissutissanik suliarinnittoq suliarinnittuussaaq.

Imm. 4. Peqqusineq paasissutissanik suliarinnittup naliliinera naapertorlugu inunnut paasissutissanik suliarinnittarnek pillugu peqqut, isumannaallisaanermut nalunaarut imaluunniit inatsit alla, matumani qarasaasiaqarnikkut paasissutissiisarnikkullu isumannaallisaanermi politikkikkut aamma pitsaasumik paasissutissanik pissuserissaarnikkut aalajangersagaasut unioqqutinneqarpata paasissutissanik suliarinnittoq paasissutissanut akisussaasumut nalunaaruteqartassaaq.

Imm. 5. Paasissutissanik suliarinnittup qitiusumik allaffeqarfimmi oqartussat sinnerlugit inunnut paasissutissanik suliarinnittarnera piffissaliussatigut killiligaanngilaq, kaajallaasitali atorunnaarsinneqarnissaata tungaanut atuutissaaq.

Imm. 6. Qarasaasiaq atorlugu ataatsimut atortuniit paasissutissat assersuutigalugu kisitsisinut imaluunniit ilisimatusarnermi misissuinermit tunngatillugu atugassat paasissutissanik suliarinnittumiit noqqaasumut ingerlateqqinneqarsinnaapput, noqqaasup inatsisit malillugit malitassatigut akuersissummillu peqarnikkut inunnut paasissutissanik ingerlatitseqqiisinnaaguni, matumani inunnut paasissutissanik suliarinnittarnek pillugu peqqussummi § 10 naapertorlugu.

Imm. 7. Matumani imm. 6 malillugu ingerlatitseqqiinnermut atatillugu inunnut paasissutissanik ingerlatitseqqiinnermut paasissutissanik suliarinnittoq immikkut paasissutissanik akisussaasunngussaaq, aamma ingerlatitseqqiinnermut malittarisassanik atuuttunik peqarnissaa paasissutissanik suliarinnittup qulakkiissavaa.

Isertuussineq aamma nipangiussisussaataitaneq

§ 8. Paasissutissanik suliarinnittup paasissutissanik suliarinnittutut qarasaasiaq atorlugu ataatsimut atortuni inunnut paasissutissanik suliarinninnissamut inuit akuerisaasut paasissutissanik isertuussisinnaanermut pisussaataitaneersut imaluunniit inatsisitigut nipangiussisussaataitaneersut qulakkiissavaa.

Imm. 2. Paasissutissanik suliarinnittutaaq qulakkiigassarivaa isertuussinissamut piunasaqaat pisiortorfigisarlut paasissutissanik suliarinninnissamut allakkatigut isumaqatigiisummi inatsisitigut aalajangersakkamik nipangiussisussaataitanermik peqassasoq qulakkiissavaa.

Isumannaatsumik suliarinninneq

§ 9. Paasissutissanik suliarinnittoq paasissutissanik piaarinaatsoornikkut imaluunniit unioqqutitsisumik nungutitsineq, annaasaqarneq imaluunniit ajorseriaatitsineq kiisalu susassaqqanngitsunut ilisimalerneqarnissai, atornerlunneqarnissai imaluunniit inatsimmik unioqqutitsisumik suliarinnissai teknikkikkut isumannaallisaanermik iliuuseqartussaavoq.

Imm. 2. Paasissutissanik suliarinnittoq teknikkikkut isumannaallisaanermut malittarisassaliornissamut aalajangersaanissamut suliaqaqquneqassaaq. Matumani ilanngullugit:

- 1) Qarasaasiaq atorlugu atortunut isumannaatsumik isernissamut Login aamma kinaassutsimut uppersaammik peqarnissaaq
- 2) Sillimmatitut toqqortaqarneq (Backup)
- 3) Qarasaasiaq atorlugu atortunut iserneq
- 4) Qarasaasiani software-nik ikkussinissamut najoqqutassaaq

Imm. 3. Qitiusumik allaffeqarfiup qarasaasiat sulitilluni atugassatut tunniussat pillugit teknikkikkut isumannaallisagaanissaannut maleruagassanik Paasissutissanik suliarinnittoq aalajangersaassaaq. Matumani makku ilanngullugit:

- 1) Qitiusumik allaffeqarfiup qarasaasiat sulitilluni atugassatut tunniussaasa isumannaallisaanikkut nutarterneqarnissaat
- 2) Atuisut software-nik aalajangersaanissamut ikkussuinissamullu isersinnaanissaat

Imm. 4. Isumannaallisaanissaaq qulakkeerniarlugu paasissutissanik suliaqartoq taamaalilluni teknikkikkut aqqissuussatigullu naleqquttunik suliaqarnissamut qulakkeerissaaq makku eqqarsaatigalugit:

- 1) Teknikkikkut qaffasissuseq maannakkut atuuttoq
- 2) Atulersitsinermi aningaasartuutit
- 3) Suliarinninnermi suussuseq, annertussuseq, ataqatigiinnera aamma siunertaa pineqartoq

4) Inuit timikkut pisinnaatitaaffiisa kiffaanngissusermillu pisinnaatitaaffiisa ilimanaatilimmik imaannaanngitsumillu nikerartumik nalorninartumiinneri.

Imm. 4. Paasissutissanik suliarinnittup nalorninartut kingunerisinnaasallu misissuiffigeqqissaarnerisa inernerit tunngavigalugit, nalorninartutut paasineqartut iluarsiniarlugit paasissutissanik suliarinnittoq naleqquttunik suliniuteqassaaq. Naleqquttut suunersut apeqqutaallutik suliniutiginiarneqartut tassaasinnaapput:

- 1) Inunnut paasissutissanik paasiuminaallisaaneq.
- 2) Suliarinninnermi atortunik kiffartuussissutinillu ataavartumik isertuussisinnaaneq, innarligassaaJunnaarsitsineq, atoruminarsaaneq aamma patajaallisaaneq isumagisinnaallugit.
- 3) Sumiiffimmi imaluunniit teknikkikkut pisoqartillugu inunnut paasissutissanut isersinnaanerup piffissaq eqqorlugu pilerseqqissinnaallugu.
- 4) Suliarinninnermi isumannaatsuunissaq qulakkeerniarlugu teknikkikkut aqqissuussatigullu suliniutit pitsaassusaasa akulikitsumik misiligtartarnissaannut, naliliiffigisarnissaannut nalilersortarnissaannullu najoqqutassiaqarneq.

Imm. 5. Aqqissuussatigut sumiiffimmilu qulakkeerinninnissaq siunertarlugu paasissutissanik suliarinnittarnermi isumannaallisaanissamut suliniutit pillugit paasissutissanik suliarinnittoq paasissutissiisarnermut isumannaallisaanermi namminerisamik atortorissaarutigisani suliffiup iluani atuuttussanik aalajangersagaliussaaq, matumani isumannaallisaanermi aqqissuussaaneq, isertitaatit aqunnissaannut aqqiissutit aamma akuersisartuunermi aqqiissutit kiisalu akuersisarnert misissuataarnissaat ilanngullugit. Paasissutissatuttaaq atortut avammut suliffiullu iluani atorineqartut nungutinnissaannut kiisalu qarasaasianik atortorissaarutit atorineqarnerisa suliarinerinut akisussaaffimmik nassuiaasiukkamillu aalajangersaanissaq siunertarlugu peqqussutinik aalajangersaasoqassaaq. Tamatuma saniatigut isumannaallisaanissamut suliniutit paasissutissanik suliarinnittarnikkut aalajangersagaasut malinneqarnerisut pillugit nakkutilliinissamut maleruagassaliortoqassaaq.

- 1) Suliffiup iluani aalajangersakkat paasissutissanik suliarinnittumut tunngatillugu naammaginarnerisut naapertuunnersullu qulakkeerniarlugu ukiumut ikinnerpaamik ataasiarlugu misissuataarneqartassapput.
- 2) Paasissutissanik suliarinnittoq sulisuminut inunnut paasissutissanik suliarinnittartunut pisarialimmik ilitersuisassaaq. Sulisut tamatumunnga ilanngullugu imm. 4-p malitsigisaanik malittarisassatut aalajangersakkat ilisimaarilissavaat.
- 3) Sumiiffinni inunnut paasissutissanik suliarinniffiusuni susassaqqanngitsut paasissutissanik pissarsisinnaajunnaarsinneqarnissaat siunertarlugu malittarisassanik aalajangersaasoqassaaq.

Imm. 6. Qarasaasiaq atorlugu ataatsimut atortut ineriartortinneqarnerat, ingerlanneqarnerat, aserfallatsaalineqarnerat ingerlatsinerlu eqqarsaatigalugit nalinginnaasumik aqqiissutitigut ilusilersuineq paasissutissanillu illersuineq aqutigalugit paasissutissanik illersuinissaq pillugu malittarisassanik malinnaanissaq paasissutissanik suliarinnittoq akisussaasuvoq.

Akuersissuteqarneq aamma isersinnaanerup aqunneqarnera

§ 10. Inuit akuersissuteqartut kisimik inunnut paasissutissanik suliarinninnissamut isersinnaatitaapput.

Imm. 2. Inuit inunnut paasissutissanik suliaqarnissamik siunertaqartut kisimik akuersissummik tunineqartassapput. Inuit ataasiakkaat atuinissamik pisariaqartitsinngitsut akuersissummik tunineqartassanngillat.

Imm. 3. Aammattaaq kukkusersiuinermik imaluunniit ingerlatsinermik atortutigullu teknikkimik suliaqarniartut paasissutissanut pisariaqartitaannut isersinnaanissamut akuersissuteqartoqassaaq.

Imm. 4. Inuit akuersissuteqartut kisimik isersinnaanissaat qulakkeerniarlugu suliniuteqartoqassaaq, aamma inunnut paasissutissanut akuersissutaannarmilu siunertaanut isersinnaanissaq taamaallaat atorneqassasut.

Imm. 5. Akuersissutini, imm. 1 innersuussutigalugu, allaqqassapput atuisup inunnut paasissutissanik apeqquteqaatigineqarsinnaaneranut, avammut nassiussinnaaneranut, eqqussinnaaneranut imaluunniit nungutissinnaaneranut tunngasut.

Imm. 6. Inuit akuersissuteqartut immi. 1-4-mi piumasaqaatinik naammassinninnersut qulakkeertuarneqartassaaq.

Imm. 7. Imm. 6-ip malitsigisaanik misissuisarneq ikinnerpaamik ukiup affaani ataasiarluni pisassaaq.

Imm. 8. Inuit qarasaasianut akuersissummik pinissaannut pilersitsineq, allannguneq aamma atorunnaarsitsineq pillugit malittarisassaliornissamut paasissutissanik suliarinnittartut peqquneqassapput.

Paasissutissanik suliaqartut allat akuerineqarnerat

§ 11. Paasissutissanik suliarinnittup qarasaasiaq atorlugu ataatsimut atortunut paasissutissanik suliaqartut allat atornissaannut nalinginnaasumik akuereqqaartarpai, tassunga ilanngullugu pisariaqartinneqartillugu paasissutissanik pissarsisinnaanermut isumaqatigiissut. Paasissutissanik suliaqartut allat pilersaarutaasumik ilanngunnerat imaluunniit taarserneqarnerat qitiusumik allaffeqarfiup intranetiatigut saqqummiunneqartassapput.

Imm. 2. Paasissutissanik suliaqartunik allanik atuinermi inunnut paasissutissanik suliarinnittarneq pillugu peqqussutip immikkoortuata IV-mi piumasaqaatit malissallugit paasissutissanik suliarinnittoq akisussaaffeqarpoq. Paasissutissanik suliarinnittutaaq makkununga pisussaaffeqarpoq:

- 1) Inunnut paasissutissanik suliarinnittarneq pillugu peqqussummi suliaqarnissamut piumasaqaatinik naammassinninneq aamma nalunaarsorsimasup pisinnaatitaaffiinik illersuineq qulakkeerneqartoq anguneqarsinnaasoq teknikkikkut aqqissuussaannikkullu isumannaallisaaneq naleqquttoq naammassisinnaagaanni paasissutissanik suliarinnittartut allat taamaallaat atorneqarsinnaapput.
- 2) Paasissutissanik suliarinnittup aamma paasissutissanik suliarinnittartunik allanik peqassappat taakku akornanni paasissutissanik suliarinnittarnissamut isumaqatigiissummik qulakkeerinnittoqassasoq.

§ 12. Paasissutissanik suliarinnittup qarasaasiaq atorlugu ataatsimut atortunut paasissutissanik suliaqartartui allat qitiusumik allaffeqarfiup intranetiatigut takuneqarsinnaapput. Paasissutissanik suliaqartut allat pillugit paasissutissat Paasissutissanik suliarinnittumut allakkatigut noqqaassutigereernerini qitiusumik allaffeqarfimmut nassiunneqarsinnaapput.

Imm. 2. Paasissutissanik suliaqartut allat inunnut paasissutissanik suliaqartarneq pillugu peqqussummi piunasaqaatit suliaqarnermi naammassineqartarnissaat anguniarlugu paasissutissanik suliaqartut allat teknikkikkut aaqquissuusaanikkullu naammattunik suliaqarsinnaanerit pisarialimmik qulakkeersinnaagaanni isumaqatigiissuteqarneq imaluunniit inatsisitigut pituttuisumik uppersaateqarneq aqutugalugu kaajallaasitatigut matumuuna aalajangersakkap assinganik paasissutissanik illersuinissamut pisussaaffilersorneqarnissaat paasissutissanik suliarinnittup isumagissavaa.

Imm. 3. Paasissutissanik suliarinnittoq taamaalilluni paasissutissanik illersuinissamut malittarisassat kaajallaasitarlu una qitiusumillu allaffeqarfiup paasissutissiinnikkut isumannaallisaanermut politikkaa malillugit pisussaaffeqartitaasoq paasissutissanik suliaqartut isumaqatigiissuteqarfigineritigut paasissutissanik suliaqartut minnerpaamik pisussaaffilersornissaannut akisussaasuvoq.

Imm. 4. Paasissutissanik suliaqartut allat isumaqatigiissuteqarfiginerata malinneqarnera paasissutissanik suliaqartut paasissutissanik suliarinnittup nakkutigissavaa. Paasissutissanik suliarinnittoq allakkatigut akuersissuteqartinnagu paasissutissanik akisussaasut paasissutissanik suliaqartullu allat toqqaannartumik nakkutilliivigisinnaanngilai.

Imm. 5. Paasissutissanik suliarinnittup paasissutissanik suliaqartut allat nakkutiginerini ilaatigut makku suliarineqassapput:

- 1) Paasissutissanik suliaqartut allat isumaqatigiissusiaat atuuttoq naapertorlugu paasissutissanut isumannaallisaanerup inunnullu paasissutissat namminneq suliarineri pillugit ukiumut ataasiarlutik kukkunersiuisut arlaannaanulluunniit attuumassuteqanngitsut atorlugit oqaaseqaataannik pissarsiniartassapput. Paasissutissanik suliarinnittup kukkunersiuisut oqaaseqaataat paasissutissanik suliaqartunit pissarsiarissavaat tamatumalu kingorna paasissutissanut akisussaasutut oqartussanut atortussanngortillugu.
- 2) Paasissutissanik suliarinnittoq, imaluunniit kukkunersiuisoq arlaannaanulluunniit attuumassuteqanngitsut paasissutissanik suliarinnittumit pisinnaatinneqartoq, paasissutissanik suliaqartut allat sumiiffinni inunnut paasissutissanik suliffigisaasa alakkarternissaannut pisinnaatitaapput kiisalu isumaqatigiissutaasup kiisalu paasissutissat illersorsinnaatitaanerisa malitsigisaanik paasissutissanik suliaqartut allat isumannaallisaasimanersut misissuiffigissallugit pisinnaatitaallutik.
- 3) Kukkunersiuisut oqaaseqaataannit, sumiiffinni atortorissarutinit allakkarterinermi imaluunniit paasissutissat tiguneqartunit inernerit tunngavigalugit paasissutissanik suliarinnittoq paasissutissanik pissarsiniartuarnissamut pisussaaffeqarpoq. Paasissutissanik illersuinissamut pisinnaatitaaffiup atuuttup malinneqarnera qulakkeerniarlugu

pisariaqartitsineq naapertorlugu allatigut suliniuteqartoqarnissaa Digitalimik Sullissinermut Aqutsisoqarfik piginnaatitaavoq.

4) Paasissutissanik suliaqartut allat sumiiffiini atortorissarutitut uppersaatinik takutitsisinaanikkut oqartussaasut, imaluunniit aallartitaasutut toqqagaat, paasissutissanik suliarinnittup aamma paasissutissanik suliaqartut allat atortorissarutaannut paasissutissanik illersuinissamut malittarisassat malillugit pisinnaatitaasut paasissutissanik suliaqartunit allanit isersinnaatitaanermik tunniussissapput.

Imm. 6. Paasissutissanik suliaqartut allat paasissutissanik illersuinissaminnut pisussaaffitsik naammassinngippassuk, taakku paasissutissanik akisussaaffillit pisussaaffiisa naammassinissaannut paasissutissanik suliarinnittoq akisussaasunngussaaq.

Nunanut allanut inunnut paasissutissanik nuussineq

§ 13. Paasissutissanik suliaqartoq inunnut paasissutissanik sunilluunniit nunanut allanut tunniusseqqusaanngillat, tassunga ilanngullugu nunani allani paasissutissanik suliaqartut allat, aatsaallu paasissutissanik tunniussisoqarsinnaavoq paasissutissanik akisussaasut akuersiteqqaarlugit. Paasissutissanut akisussaasoq akuersissagaluarpas Inunnut paasissutissanik suliarinnittarneq pillugu peqqussummi immikkoortoq 7-mi allassimasut atorineqassapput malinneqassallutillu.

Paasissutissanut akisussaasumut ikiuunneq

§ 14. Nalunaarsorsimasut pisinnaatitaaffii inunnut paasissutissanik suliarinnittarneq pillugu peqqussummi kapitali 9-mi aamma 10-mi aalajangersarneqartut suliarinissaannut noqqaassutit akisuteqarfigineqarnissaannut paasissutissanut akisussaasup pisussaaffiisa naammassineqarneri ilaatillugit teknikkikkut aqqissuussatigullu naleqquttunik suliniuteqarnikkut suliarisassap qanoq ittuunera eqqarsaatigalugu sapinngisamik paasissutissanut akisussaasoq paasissutissanik suliarinnittumi ikiorneqartassaaq.

Imm. 2. Matumani siunertarineqarpoq paasissutissanik suliarinnittup paasissutissanut akisussaasoq paasissutissanut akisussaasutut inissisimanerani sapinngisamik ikiortassallugu ilaatigut inunnut paasissutissanik suliarinnittarneq pillugu peqqussummi malittarisassat ataani allaqqasut malinneqarnissaat makkuusut eqqarsaatigalugit:

- 1) Nalunaarsorsimasumi inunnut paasissutissanik katersinermi paasissutissiinissamut pisussaaffik, tak. § 28.
- 2) Paasissutissiinissamut pisussaaneq, matumani inunnut paasissutissat nalunaarsorsimasumi katersorneqarsimanngippata, tak. § 29.
- 3) Nalunaarsorsimasup takunnissinnaatitaanera, tak. § 31.
- 4) Suliarinninnissap killilersornissaanut pisinnaatitaaffik, tak. § 35.
- 5) Akerliliissuteqarnissamut pisinnaatitaaffik, tak. § 36.
- 6) Naqqiuteqarnissamut, nungutitsinissamut mattussinissamullu pisinnaatitaaffik, tak. § 37, imm. 1.

7) Inunnut paasissutissanik naqqiuteqarnissamut imaluunniit nungutitsinissamut imaluunniit suliarinninnerup killilersorneqarnissaanut nalunaartussaataaneq, tak. § 37, imm. 2.

Imm. 3. Inunnut paasissutissanik suliarinnittarneq pillugu peqqussummi immikkoortup IV-p aamma isumannaallisaanermut nalunaarutip malitsigisaanik paasissutissanut akisussaasup pisussaaffiisa malinneqarneri qulakkeerniarlugit suliarisassap suussusaa aamma paasissutissanik suliarinnittup paasissutissanik suliarinnittutut paasissutissat pissarsiarisinnaasai eqqarsaatigalugit, paasissutissanut akisussaasoq paasissutissanik suliarinnittumit ikiorneqartassaaq. Matumani siunertarineqarpoq paasissutissanik suliarinnittup suliarinteartussap suussusaa qitiutillugu paasissutissanut akisussaasut ataasiakkaat ataani allaqqasunik malinninnissaannut atatillugu ikiortassammagit:

- 1) Isumannaallisaanissaq suliarinninnermut atatillugu nalorninartunut naapertuuttoq qulakkeerniarlugu teknikkikkut aaqqissuussatigullu naleqquttunik suliniuteqarnissamut pisussaaffik.
- 2) Inunnut paasissutissanik isumannaallisaanikkut unioqqutitsineq paasissutissanut akisussaasut ataasiakkaat unioqqutitsinermik paasisaqareersullu pisariaqanngitsumik kinguarsaasoqanngitsumik periarfissaappallu kingusinnerpaamik 72 tiimit qaangiuppata nalunaarutiginnissaanut pisussaataaneq, pissanngilarli inunnut paasissutissanik isumannaallisaanerpup unioqqutinneqarnera inuit pinnaatitaaffiitut imaluunniit kiffaanngissutsikkut pinnaatitaaffiitut nalorninartoqartoq ilimanaateqanngippat.
- 3) Inunnut paasissutissanik isumannaallisaanerpup unioqqutinneqarnera inuit pinnaatitaaffiitut aamma kiffaanngissutsimik pinnaatitaaffiitut annertuumik nalorninartorsiortitsippat nalunaarsorsimasumut/nalunaarsorsimasunut pisariaqanngitsumik kinguarsaasoqartinnagu nalunaaruteqarnissamik pisussaaffeqarneq.
- 4) Paasissutissanik illersuinissaq pillugu nalorninartunik kingunerisassanillu misissuinissamut pisussaaffeqarneq, matumani suliarinninneq inuit pinnaatitaaffiit aamma kiffaanngissusaasa pinnaatitaaffiit annertuumik nalorninartoqartillugu, aamma paasissutissanik illersuinissaq pillugu kingunerisassanik misissuinnermi suliarinninneq paasissutissanut akisussaasut ataasiakkaat nalorninartumik killilersimaartitsiniarlutik suliniutitut aalajangiinerat annertuumik amigaateqartutut pippat suliarinninnissaq sioqqullugu Datatilsynet-ip qanoq oqariartuuteqarnissaata tusaanissaanut pisussaaffeqarneq.

Inunnut paasissutissat isumannaallisaanerpup unioqqutinneqarnera pillugu Datatilsynet-imut nalunaaruteqarneq

§ 15. Paasissutissanik suliarinnittup pisariaqanngitsumik kinguarsaasoqarnani inunnut paasissutissanik isumannaallisaanikkut unioqqutitsisoqartillugu paasisaqartoqarpasut paasissutissanut akisussaasoq nalunaarfigissavaa.

Imm. 2. Paasissutissanik suliarinnittup paasissutissanut akisussaasumut nalunaaruteqarnera pisariaqanngitsumik kinguarsarneqassanngilaq periarfissaappallu unioqqutitsineq paasineqarpasut kingusinnerpaamik 48 tiimit qaangiuppata, taamaalilluni paasissutissanut akisussaasup inunnut paasissutissanik isumannaallisaanermi unioqqutitsineq Datatilsynet-imut nalunaartussaataanini malinniassavaa. Paasissutissanut akisussaasut inunnut

paasissutissanik isumannaallisaaneq unioqqutinneqartoq pillugu nalunaarsorsimasunut nalunaarutigissavai.

Imm. 3. Paasissutissanik suliarinnittoq paasissutissanut akisussaasut kaajallaasitami matumani ilaatinneqartut tamaasa sinnerlugit suliap qanoq ittuunera, unioqqutitsinerup annertussusaa aamma unioqqutitsineq qarasaasiaq atorlugu ataatsimut atortunut attuumassuteqarnerisoeq eqqarsaatigalugit ataatsimut Datatilsynet-imut nalunaarusiorsinnaavoq.

Imm. 4. Matumani imm. 1 naapertorlugu paasissutissanut akisussaasut unioqqutitsineq pillugu Datatilsynet-imut nalunaaruteqarnissaannut paasissutissanik suliarinnittoq ikiuutissaaq. Tamanna ima isumaqarpoq, paasissutissanut akisussaasut unioqqutitsinerup Datatilsynet-imut nalunaaruteqarnerani paasissutissat ataani allaqqasut takutinnissaannut paasissutissanik suliaqartoq aqutissiueqataassasoq:

- 1) Inunnut paasissutissanik isumannaallisaanerup unioqqutinneqarnerata suussusaa, matumani periarfissaappat suussutsit aamma nalunaarsorsimasutut kalluarneqartut missiliorlugit kiisalu inunnut paasissutissatut nalunaarsorsimasutut kalluarneqartut missiliorlugit ilanngullugit.
- 2) Inunnut paasissutissanik isumannaallisaanerup unioqqutinneqarneranit kingunerisinnaasai.
- 3) Inunnut paasissutissanik isumannaallisaanerup unioqqutinneqarnerata pakkersimaarnissaanut paasissutissanut akisussaasut suliniutigerusutatut aalajangiussai, matumani pisariaqarpat ajoqutaasinnaasutut kingunerisinnaasai pillugit naleqquttunik suliniutigiumasai ilanngullugit.

Inunnut paasissutissanik nungutitsineq

§ 16. Qarasaasiaq atorlugu ataatsimut atortunut tunngatillugu nungutitsisarnissamut malittarisassat paasissutissanik suliarinnittumit aalajangersarneqassapput.

Imm. 2. Qarasaasiaq atorlugu ataatsimut atortut allagaateqarnermut inatsimmi aalajangersakkat malillugit atoreernerini tunniuttussaataitaneranut ilaatinneqartut Nunatta Allagaateqarfianut tunniunneqareernerisa kingorna siusinnerpaamik nungutinneqareersimassapput.

Nakkutilliineq aamma kukkundersiueq

§ 17. Naalakkersuisoqarfiit suliassaqarfimminni paasissutissanik suliarinnitsitsinikut, suliassaqarfiit agguataarnerat pillugu kaajallaasitami (Suliassaqarfiit agguataarnerat) allassimasut malillugit, paasissutissanik akisussaasut sinnerlugit paasissutissanik suliarinnittut nakkutilliissapput. Naalakkersuisoqarfik nakkutilliinertik tunngavigalugu paasissutissanut akisussaasunit atugassamik nakkutilliinermi nalunaarummik suliaqassaaq.

Imm. 2. Paasissutissanut akisussaasut paasissutissanik suliarinnittup sumiiffimmi sulisoqarnikkut isumannaallisaanikkullu peqquteqartumik atortorissaarutaannik alakkarterisinaanissaminut periarfissaqanngillat. Akerlianik paasissutissanut tunngatillugu iliuuseqarneq pillugu paasissutissanik suliarinnittoq nalunaarusiussaaq.

Imm. 3. Paasissutissanik suliarinnittoq paasissutissanik kaajallaasitami piumasagaatinik malinninnissamut takussutissaqarniartilluni attuumassuteqartunik pisariaqartunillu paasissutissanut akisussaasunut pissaqartitsissaaq, matumani paasissutissanik suliaqartunut allanut paasissutissa ilanngullugit.

Illuatungerisamut ilisimatitsissuteqarneq

§ 18. Paasissutissanik suliarinnittut aamma paasissutissanut akisussaasut pissutsinik suliarinninnermut kaajallaasitaq naapertorlugu ilaatinneqartutut pingaarutilinnik imminnut ilisimatitseqatigiittassapput.

Atuutilerfia

§ 19. Kaajallaasitaq atuutilerpoq ulloq xx. xxx. 2022.

Siulittaasup Naalakkersuisoqarfia, x. oktober 2022

Múte Bourup Egede
Naalakkersuisut Siulittaasuat

/ Hans-Peder Barlach Christensen